



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CCCXXIX. Markgraf Johann belehnt seinen Marschall Peter Borgstorf mit Zollhebungen in Frankfurt, die durch Peter Quentin´s Tod erledigt worden, am 4. Dezember 1472.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

CCCXXVIII. Johann Breußer vergleicht sich mit dem Kurfürsten Albrecht über die Forderungen seines Vorbesizers der Handlung Peter Quentin, am 17. November 1472.

Ich Johannes Breuffer, doctor, vnd katerina, meyn eliche haußfrav. Als sich der durchlechtig hochgeborner furst vnser gnediger her marggraff Albrecht, curfürst etc., über die rechnung, die wir von peter quentins vnfers vorfar selligen handlung wegen vor seyner gnaden reten gethan haben, mit vns vortragen hat, das vns seyn gnad funffzig schock geben, dagegen wir denselbigen vnsern gnedigen hern vnd seyn gnaden erben aller schult vnd forderung, szo der selbige vnser vorfar vnd huswirt selliger von der herschafft wegen schuldig ist vnd gemacht hat, entheben sollen vnd wollen; bekenne wir öffentlich mit dissem briffe geyn allermenniglich vor vns vnd vnser erben, daz vnser gnedige her oben genant sulch funffzig schock gutlichis aufgericht vnd bezalet hat vnd sagen seyn gnad vnd seiner gnaden erben vor vns vnd vnser erben sulcher funffzig schock vnd aller vorgangen sachen quit, ledig vnd losz jn crafft disses briffs vnd wollen auch seyn gnad aller schulde, die peter quentin vnser vorfar selliger von der herschafft wegen gemacht hat, gutlichis entheben, alles sunder argelift vnd an geferd. Czu orkund hab ich dissen briff geschreben vnd meyn secret hyr vnden angedrucket, der gegeben ist am dinstag vor elisabeth In dem zwevndfobenzigsten Jar.

Nach dem Orig. im Geh. Staatsarchive.

CCCXXIX. Markgraf Johann belehnt seinen Marschall Peter Borgstorf mit Zollhebungen in Frankfurt, die durch Peter Quentin's Tod erledigt worden, am 4. Dezember 1472.

Wy Johans, von gots gnaden Marggrauē czu Brandemborch, czu Stettin, pomern etc. herczog, Burggrauē czu Nuremberge vnde furste czu Rugen, Bekennen öffentlich mit dissem briue vor vns, vnser erben vnde nachkomen vnde suft Allermeniglich, das wir angesehen vnde erkant haben Soliche Annehme vleissige vnde getrewe dinste, die vns vnser Marschalck, Rate vnde lieber getruwer peter Borgstorff offte vnde dick gethan hath, teglichen thut vnde hinfurder In zeukunfftigen zzeiten wol thun sol, kan vnde mag; hirusumme vnde auch von befunder gnade wegen haben wir dem gnanten peter borgstorff vnde synen menlichen lehns erben czwey schock geldes Jerlicher zinsz vnde Rente Im czoll czu franckfurt, die an vns komen vnde losz gestorben sind von peter Quentin Seliger dechnus, czu eynem rechten Manlehne vorlyhen vnde wir vorlyhen dem obgnanten peter borgstorff vnde seinen menlichen lehns erben die obgescriben zwey schock gelts Im czolle czu franckfurt mit aller gerechtigkeit, In massen sie peter Quentin von vns czu lehne Innen gehabt hat, czu rechten manlehnen In Crafft vnde macht ditz briues etc. — vnde geben Im des czu eynem Inwiser vnsern voyt czu Cußtrin, Rate vnde lieben getruwen werner pful. Czu orkunt mit vnserem vffgedruckten Insigil vorfigilt vnde geben czu Coln an der Sprew, am tag Barbare, Nach Cristi gebort M^o III^o, darnach Im LXXII. Jaren.

Nach dem Churm. Lehnscopialbuche XXV, 229.